

*Nos Historia*

# Juancho Irausquin a logra school liber pa tur mucha

ORANJESTAD (AAN): Na momento cu Juan E Irausquin q.e.p.d y su partido PPA a logra hana confianza di e pueblo Arubano, tabata un realidad cu no ta tur mucha por a bay school. Esaki tabata depende grandemente ariba entrada di e mayornan, como cu mayornan mester a paga pa nan yiunan por a bay school. Fuera di esaki un gran cantidad di districto di nos pueblo no tabata tin suficiente scol basico, pesey su maneho tabata dirigi riba:

1. Crea e situacion pa garantiza cu TUR mucha lo por a bay school basico liber, es decir cu mayornan no mester a paga mas.

2. Construi suficiente(nivel) di school necesario rond di nos isla.

3. Amplia y moderniza e sistema di duna beca pa studiantenan Arubano.

No a dura mucho cu Bestuur-college di P.P.A. en combinacion cu gobierno di Antiyas a pasa e cambionan legal pa garantisa cu school liber worde in-


stroduci pa tur mucha, kitando pues e asina yama schoolgeld cu mester a paga antes. Tambe Bestuurscollege a moderniza y amplia e systema di duna beca na studiantenan Arubano, awor

yiunan di buchi juan y shi maria tambe por a hana becanan en vez di solamente e yiunan di cierto "shonnan".

Fuera di esaki, a inicia cu varios proyecto di construc-

cion di diferente nivel di scol den tur skina di nos Isla. Un di e trabaonan grandi y significativo di e Bestuurscollege di P.P.A. den ananan 60 y e gobernacion antiyano den cual

P.P.A. tabata participa, tabata pa logra un acuerdo di financiamiento cu e.o. mercado comun europeo, locual a conduci na construccin di varios school y misa rond di nos isla.



*E brug nobo riba Spaans Lagoen a worde construi pa alivia trafico cu ta pasa riba e Brug bieu.*